

## ІНФОРМАЦІЯ ПРО ВОЛІЧА

По вступі до волебной містности воліч є повинный превказати обводній волебній комісії свою тотожность обчаньсков легітімаціов. Кідь на пожаданя была волічови выдана легітімація на голосованя, предложить і тоту ведно з обчаньсков легітімаціов. Наслідно обводна волебна комісія од нёго легітімацію на голосованя одобере.

Потім обводна волебна комісія закружкує порядкове чісло воліча у списку волічів і дасть волічови волебный листок і порожню копертку з уряднов печатков села/міста. **Перевзятя волебного листка і копертки потвердить воліч у списку волічів своїм підписом.**

Каждый воліч повинен одыйти перед голосованём до выдѐленой части містности, в котрій може управити лист на голосованя. Волічови, котрый не вступить до того простору, обводна волебна комісія не доволить голосовати.

В окремім просторі выдѐленім на выповнѐваня волебных листків воліч на волебнім листку закружкує одповідь „гей“ або одповідь „ні“. Потім волебный листок вложить воліч до копертки і наслідно до волебной урны. Кедь волебный листок не є выповненный предписаным способом (закружкованём лем одной одповіді), є неплатный.

На пожаданя воліча обводна волебна комісія му выдасть за неправильно управлены листы на голосованя іншы. Неправильно управлены листы на голосованя воліч вложить на місто выдѐлене на одложіня несхоснованых або неправильно управлены листів на голосованя.

Воліч, котрый не може сам управити лист на голосованя із здравотных прічін або зато, же не може чітати ці писати, **а перед голосованём поінформує о тім факті раённу волебну комісію**, має право взяти із собов до выдѐленой части на управу листів на голосованя іншу способну особу, жебы подля ёго інштрукцій і закона управила лист на голосованя і вложила го до копертки; таков особов не може быти член раённой волебной комісії. Обидві особы перед вступом до выдѐленой части на управу листів на голосованя член раённой волебной комісії поучить о способі голосованя і о крiмiналнiм skutку в припадi нарушования приправы волеб і волебного процесу.

Воліч, котрый не може із здравотных прічін сам вложыти копертку до волебной урны, має право пожадати, жебы копертку до волебной урны за ёго участи вложила інша особа, але не член раённой волебной комісії.

Воліч, котрый не може прийти до волебной містности із важных, главно здравотных прічін, має право пожадати село а в день реалізації волеб раённу волебну комісію одголосовати до переносной волебной урны, а то лем на теріторії волебного раёну, про котрый была раённа волебна комісія створена.

**Воліч є повинный одложыти неправильно выповненный волебный листок до запечатаной урны на одложіня непоужытых або неправильно выповненных волебных листків, інакше ся допустить переступлiня, за котре му буде вырубана покута 33 евр. В припадi голосованя мiмо волебной мiстности, воліч неправильно выповненный волебный листок знiчiть перед членами обводной волебной комісії.**